



টঙ্গী ফ্লাইওভারে যাত্রীকে ছুরিকাঘাত, ছিনতাইকারী গণপিটুনিতে আটক



ছবি: লেন্স এশিয়া

গাজীপুরের টঙ্গী ফ্লাইওভার এলাকায় এক যাত্রীকে ছুরিকাঘাত করে ছিনতাইয়ের চেষ্টা চালায় এক যুবক। যাত্রীর চিৎকারে স্থানীয়রা দ্রুত তাকে ধরে গণপিটুনি দেয়। ঘটনার পর এলাকায় উত্তেজনা সৃষ্টি হয় এবং নিরাপত্তা বাড়ানোর দাবি ওঠে।

গাজীপুরের টঙ্গী ফ্লাইওভার এলাকায় রোববার সন্ধ্যায় ছিনতাইয়ের চেষ্টা চালায় এক যুবক। প্রত্যক্ষদর্শীদের বরাতে জানা যায়, হাতে ছুরি নিয়ে তিনি এক যাত্রীর ওপর আক্রমণ করেন এবং মূল্যবান জিনিসপত্র ছিনিয়ে নেওয়ার চেষ্টা করেন। যাত্রীর চিৎকারে আশপাশের লোকজন দ্রুত ছুটে এসে তাকে হাতেনাতে আটক করে।

এ সময় ফ্লাইওভারে ভিড় জমে যায় এবং উত্তেজনা ছড়িয়ে পড়ে। কয়েকজন মিলে ছিনতাইকারীকে ঘিরে কিল-ঘুষি ও লাঠি দিয়ে মারধর করে। এতে ঘটনাস্থলেই ব্যাপক বিশৃঙ্খলা দেখা দেয় এবং সাধারণ মানুষ স্ফোভ প্রকাশ করে।

তবে ছিনতাইকারীকে পরবর্তীতে পুলিশের হাতে ভুলে দেওয়া হয়েছে কিনা তা নিশ্চিত হওয়া যায়নি। ঘটনাটি স্থানীয়দের মধ্যে আলোচনার জন্ম দিয়েছে।

অভিযোগ রয়েছে, টঙ্গী ফ্লাইওভার এলাকায় প্রায়ই ছিনতাইয়ের ঘটনা ঘটে। স্থানীয়রা প্রশাসনের কাছে দাবি জানিয়েছেন, এলাকাটিতে টহল জোরদার এবং কার্যকর পদক্ষেপ নেওয়া হোক, যাতে যাত্রীরা নিরাপদে চলাচল করতে পারেন।